

# SAMÞYKKT

## um stjórn og fundarsköp Súðavíkurhrepps.

### I. KAFLI

#### Um skipan hreppsnefndar og verkefni hennar.

##### 1. gr.

##### *Skipan hreppsnefndar.*

Hreppsnefnd Súðavíkurhrepps er skipuð 5 hreppsnefndarmönnum kjörnum skv. III. kafla sveitarstjórnarlaga nr. 8/1986, sbr. 1. mgr. 10. gr. og 11. gr. sömu laga.

##### 2. gr.

##### *Starfstímabil hreppsnefndar.*

Starfstímabil hreppsnefndar hefst 15 dögum eftir kjördag í sveitarstjórnarkosningum og gildir til jafnlengdar að fjórum árum liðnum.

##### 3. gr.

##### *Valdsvið hreppsnefndar.*

Hreppsnefnd fer með stjórn Súðavíkurhrepps samkvæmt ákvæðum sveitarstjórnarlaga og annarra laga. Jafnframt fer hreppsnefnd með yfirstjórn stofnana og fyrirtækja á vegum hreppsins, að svo miklu leyti sem hreppsnefnd hefur ekki falið öðrum slíka yfirstjórn.

##### 4. gr.

##### *Verkefni hreppsnefndar.*

Hreppsnefnd skal gæta hagsmuna hreppsins og vera í fyrirsvari fyrir hann og vinna að sameiginlegum velferðarmálum hreppsþúa.

##### 5. gr.

##### *Verkefni hreppsnefndar.*

Hreppsnefnd annast þau verkefni sem henni eru falin í lögum, reglugerðum og samþykktum.

Þá getur hreppsnefnd ákveðið að hreppurinn taki að sér verkefni, sem varðar íbúa hreppsins sérstaklega, enda sé það ekki falið öðrum til úrlausnar að lögum.

##### 6. gr.

##### *Verkefni hreppsnefndar.*

Meðal verkefna hreppsnefndar Súðavíkurhrepps eru:

1. Að kjósa oddvita og varaoddvita hreppsnefndar, nefndir, ráð og stjórnir skv. VI. kafla sveitarstjórnarlaga, sbr. og V. kafla samþykktar þessarar, og skoðunarmenn til að annast endurskoðun ársreikninga hreppsins skv. VIII. kafla sveitarstjórnarlaga. Ennfremur að ráða sveitarstjóra og aðra fasta starfsmenn hreppsins skv. VII. kafla fyrrnefndra laga, sbr. og VI. kafla þessarar samþykktar.
2. Að setja samþykktir og gjaldskrár, eftir því sem lög mæla fyrir um og þörf krefur.
3. Að stjórna fjármálum hreppsins, stofnana hans og fyrirtækja skv. VIII. kafla sveitarstjórnarlaga, sbr. og II. kafla samþykktar þessarar.

## II. KAFLI

## Um fjármálastjórn hreppsins.

## 7. gr.

*Þriggja ára áætlun.*

Á fyrsta ári hvers kjörtímabils skal hreppsnefnd semja þriggja ára áætlun um rekstur, framkvæmdir og fjármál hreppsins, og skal þessi þriggja ára áætlun vera til leiðbeiningar við gerð árlegrar fjárhagsáætlunar hans. Áætlunina skal endurskoða árlega í tengslum við afgreiðslu fjárhagsáætlunarinnar og skal þá framlengja áætlunina um eitt ár.

## 8. gr.

*Afgreiðsla fjárhagsáætlunar.*

Hreppsnefnd skal afgreiða fjárhagsáætlun hreppssjóðs, fyrirtækja og stofnana hans fyrir lok janúarmánaðar ár hvert að undangengnum tveimur umræðum í hreppsnefnd, sbr. 24. gr. samþykktar þessarar.

Ef ekki tekst að afgreiða fjárhagsáætlun skv. 1. mgr. skal hreppsnefnd sækja skriflega um frest til félagsmálaráðuneytisins og tilgreina ástæður fyrir umsókninni.

Form fjárhagsáætlunar skal vera í samræmi við form ársreikninga hreppsins og skal þar greint á milli rekstraráætlunar, fjárfestingaráætlunar og áætlunar um fjármagnshreyfingar.

Við afgreiðslu fjárhagsáætlunar tekur hreppsnefnd ákvarðanir um nýtingu tekjustofna hreppssjóðs og tekjuöflun, um öflun lánsfjár, ef um það er að ræða, og um ráðstöfun fjármagns á fjárhagsárinu bæði til rekstrar og eignabreytinga. Þá skal við gerð fjárhagsáætlunar hafa hliðsjón af veltufjárstöðu hreppssjóðs í byrjun fjárhagsárs og áætla fyrir þeim breytingum sem nauðsynlegt er talið að gera á veltufjárstöðunni.

## 9. gr.

*Fjárhagsáætlun.*

Fjárhagsáætlun skv. 8. gr. skal vera meginregla um fjármálastjórn hreppsins á fjárhagsárinu og ekki má stofna til útgjalda eða greiða fé úr hreppssjóði nema heimild sé til þess í fjárhagsáætlun, útgjöldin séu lögbundin, sammingsbundin eða samþykkt af hreppsnefnd.

Samþykki hreppsnefnd fjárveitingu eða útgjöld utan fjárhagsáætlunar, skal hún jafnframt taka ákvörðun um hvernig afla skuli fjár til þeirra útgjalda, svo sem með lækkan annarra útgjalda, auknum tekjum eða lánsfé.

## 10. gr.

*Endurskoðun fjárhagsáætlunar.*

Hreppsnefnd er heimilt að endurskoða fjárhagsáætlun í samræmi við breyttar forsendur. Hreppsnefnd skal við endurskoðun áætlunar taka tillit til samþykta sbr. 2. mgr. 9. gr. samþykktar þessarar. Slíkar breytingar afgreiðir hreppsnefnd við eina umræðu enda hafi breytingartillögur verið kynntar hreppsnefndarmönnum á sannanlegan hátt og í tæka tíð.

## 11. gr.

*Afgreiðsla ársreikninga.*

Hreppsnefnd skal hafa lokið fullnaðarafgreiðslu ársreikninga hreppssjóðs, fyrirtækja hans og stofnana eigi síðar en í júnílok ár hvert skv. 88. gr. sveitarstjórnarlaga sbr. 82. og 83. gr. sömu laga. Eintak af ársreikningnum skal senda Hagstofu Íslands og félagsmálaráðuneytinu fyrir 31. júlí ár hvert. Viðurlög skv. 2. mgr. 88. gr. sveitarstjórnarlaga liggja við vanrækslu hreppsnefndar á afgreiðslu og skilum ársreikninga.

## III. KAFLI

## Um fundarsköp hreppsnefndar.

## 12. gr.

*Fundartími hreppsnefndar.*

Sveitarstjóri skal, fyrir annan fund nýkjörinnar hreppsnefndar, leggja fram tillögu að áætlun um fundartíma nefndarinnar fyrir næstu 12 mánuði. Reglulegir fundir hreppsnefndar skulu haldnir samkvæmt áætluninni hljóti hún samþykki hreppsnefndar. Endurskoða skal áætlunina á sex mánaða fresti, fyrir næsta 12 mánaða tímabil. Heimilt er að fella niður fundi í hreppsnefnd í allt að tvo mánuði að sumarlagi. Aukafundi skal halda í hreppsnefnd eftir því sem þörf krefur að mati sveitarstjóra og oddvita hreppsins. Skylt er að halda aukafund í hreppsnefnd ef a.m.k. þriðjungur hreppsnefndarmanna krefst þess.

## 13. gr.

*Fyrsti fundur nýkjörinnar hreppsnefndar.*

Aldursforseti nýkjörinnar hreppsnefndar kveður hreppsnefndina saman til fyrsta fundar að afloknum hreppsnefndarkosningum, eigi síðar en 15 dögum eftir að hún tekur við störfum, sbr. 2. gr. samþykktar þessarar, þ.e. eigi síðar en 30 dögum eftir kjördag.

Aldursforseti getur falið sveitarstjóra að boða fyrsta fund nýkjörinnar hreppsnefndar.

## 14. gr.

*Boðun hreppsnefndarfunda.*

Sveitarstjóri, sbr. þó 13. gr. samþykktar þessarar, boðar hreppsnefndarfundi og ákveður jafnframt fundarstað, hafi hreppsnefnd ekki gert það.

Hreppsþúum skal kunnert með auglýsingu, hvar og hvenær hreppsnefndarfundir eru haldnir.

## 15. gr.

*Dagskrá hreppsnefndarfunda.*

Sveitarstjóri semur dagskrá hreppsnefndarfundar.

Á dagskrá hreppsnefndarfundar skal taka:

1. Lögákvæðnar kosningar s.s. kosningar oddvita hreppsnefndar, kosningar nefnda, ráða og stjórna, svo og kosningar eða ráðningu sveitarstjóra og annarra starfsmanna hreppsins.
2. Fundargerðir nefnda, ráða og stjórna á vegum hreppsins ef eða að svo miklu leyti sem hreppsnefnd þarf að samþykkja ályktanir sem í þeim felast, sbr. 54. gr. samþykktar þessarar.
3. Önnur mál, sem falla undir verksvið hreppsnefndar og sveitarstjóri ákveður að taka á dagskrá eða einhver hreppsnefndarmanna óskar, að tekin verði á dagskrá. Hreppsnefndarmaður sem óskar að fá mál tekið á dagskrá hreppsnefndarfundar skal tilkynna það á skrifstofu hreppsins skriflega með tillögu eða fyrirspurn a.m.k. þremur sólarhringum fyrir fund.

Dagskrá hreppsnefndarfundar skulu fylgja afrit fundargerða, tillagna og annarra gagna, sem sveitarstjóri telur nauðsynleg. Fundargerð síðasta hreppsnefndarfundar skal að jafnaði send út eigi síðar en viku eftir fund.

## 16. gr.

*Skriflegt fundarboð.*

Sveitarstjóri skal í síðasta lagi tveimur sólarhringum fyrir hreppsnefndarfund hafa sent hreppsnefndarmönnum og varamönnum þeirra fundarboð hreppsnefndarfundar ásamt dagskrá og fylgigögnum.

## 17. gr.

*Boðun aukafunda.*

Sveitarstjóri skal boða hreppsnefndarmenn símleiðis til aukafundar í hreppsnefnd a.m.k. einum sólarhring fyrir fund. Hreppsnefndarmönnum skal kynnt dagskrá fundarins. Heimilt er þó að boða aukafund með styttri fyrirvara er aðkallandi mál bíður afgreiðslu, enda sé hann boðaður með dagskrá.

## 18. gr.

*Kosning oddvita og varaoddvita.*

Aldursforseti hreppsnefndar setur fyrsta fund nýkjörinnar hreppsnefndar og stýrir honum, uns oddviti hreppsnefndar hefur verið kjörinn.

Oddviti hreppsnefndar skal kjörinn til eins árs í senn nema hreppsnefnd ákveði að kjósa hann til fjögurra ára.

Sá er rétt kjörinn oddviti, sem fengið hefur atkvæði meirihluta hreppsnefndarmanna. Verði þeim atkvæðafjöldi eigi náð skal kjósa að nýju um þá tvo sem flest atkvæði fengu. Hafi þrír eða fleiri hreppsnefndarmenn fengið jafnmörg atkvæði skal varpa hlutkesti um hverja tvo skuli kjósa. Verður þá sá rétt kjörinn oddviti hreppsnefndar sem fleiri atkvæði fær. Verði atkvæði jöfn skal hlutkesti ráða kosningu.

Oddviti hreppsnefndar stjórnar kjöri varaoddvita hreppsnefndar og skal sömu aðferð beitt við kosningu hans, sbr. næstu málsgrein hér að framan. Varaoddviti skal kjörinn til jafnlangs tíma og oddviti.

Sé hvorki oddviti né varaoddviti á fundi gegnir aldursforseti oddvitastörfum nema hreppsnefnd ákveði að kjósa sérstakan fundarstjóra.

Ef oddviti deyr eða verður varanlega forfallaður frá oddvitastörfum skal kjósa oddvita í hans stað til loka kjörtímabils oddvita.

## 19. gr.

*Skrifarar.*

Hreppsnefnd getur kosið skrifara og varaskrifara úr hópi hreppsnefndarmanna til eins árs í senn á sama fundi og oddvitakosning fer fram.

Skrifarar skulu telja saman atkvæði við kosningar og þegar atkvæðagreiðslur fara fram í hreppsnefnd.

## 20. gr.

*Fundarstaður.*

Hreppsnefndarfundur skal að jafnaði halda í fundarsal hreppsnefndar og skal almenningi heimilaður aðgangur að þeim, eftir því sem húsrúm leyfir.

Hreppsnefnd getur ákveðið að einstök mál verði rædd fyrir luktum dyrum s.s. viðkvæm einkamál manna eða viðskiptamál, sem æskilegt er vegna hagsmuna hreppsins að rædd verði fyrir luktum dyrum. Jafnframt getur hreppsnefnd ákveðið að hreppsnefndarfundur, þar sem eingöngu er fjallað um slík mál, verði haldinn fyrir luktum dyrum. Tillaga um að mál skuli rædd fyrir luktum dyrum skal afgreidd umræðulaust í hreppsnefnd.

Óheimilt er að skýra frá því sem fram kemur við umræður á lokuðum fundi í hreppsnefnd.

## 21. gr.

*Lögmæti hreppsnefndarfunda.*

Hreppsnefndarfundur er lögmætur ef meira en helmingur hreppsnefndarmanna er á fundi. Hreppsnefnd getur enga bindandi ályktun gert nema fundur sé lögmætur.

## 22. gr.

*Fundarstjórn.*

Oddviti hreppsnefndar stýrir fundum hennar. Hann setur fund, kannar lögmati hans og stjórnar umræðum og afgreiðslu mála, sér um að fundargerðir séu færðar og slítur fundi, þegar dagskrá hans er tæmd. Oddviti úrskurðar um skilning á fundarsköpum, en skjóta má úrskurði hans til úrlausnar hreppsnefndar. Oddviti sér um að allt fari skipulega og löglega fram á hreppsnefndarfundum og er hreppsnefndarmönnum skylt að lúta valdi hans að því er varðar fundarsköp og góða reglu. Raski áheyrandi fundarfríði getur oddviti vísað honum úr fundarsal. Leyfi oddvita þarf til að taka myndir og hljóðrita umræður á hreppsnefndarfundum.

## 23. gr.

*Dagskrármál.*

Mál skulu tekin til umræðu og afgreidd í hreppsnefnd í þeirri röð sem þau eru á dagskrá, nema oddviti eða hreppsnefnd ákveði annað.

Heimilt er að taka til meðferðar á hreppsnefndarfundi mál sem ekki hefur verið á dagskrá, ef 2/3 viðstaddra hreppsnefndarmanna samþykkja slíkt afbrigði.

## 24. gr.

*Afgreiðsla mála við tvær umræður.*

Hreppsnefnd afgreiðir mál að jafnaði við eina umræðu. Þó skal hafa tvær umræður með a.m.k. einnar viku millibili um eftirtalin málefni:

1. Fjárhagsáætlun hreppsins og fyrirtækja hans.
2. Ársreikninga hreppsins og fyrirtækja hans.
3. Samþykktir, reglugerðir og gjaldskrár, sem hljóta eiga staðfestingu ráðherra.
4. Áætlanir fyrir hreppinn sem gilda eiga til lengri tíma, s.s. þriggja ára áætlanir og skipulagsáætlanir.
5. Beiðni um fjárhagsaðstoð skv. 90. gr. sveitarstjórnarlaga.

## 25. gr.

*Fundarsókn, varamenn.*

Hreppsnefndarmanni er skylt að sækja hreppsnefndarfundi nema lögmat forföll hamli svo sem önnur brýnni skyldustörf eða veikindi. Sé hreppsnefndarmaður forfallaður um stundarsakir skal hann tilkynna það skrifstofu Súðavíkurhrepps sem boðar varamann. Hreppsnefndarmanni sem forfallast um stundarsakir er heimilt að ákveða hver varamanna hans skuli taka sæti á hreppsnefndarfundi ella tekur varamaður sæti samkvæmt ákvæðum 1. og 2. mgr. 35. gr. sveitarstjórnarlaga.

Sveitarstjóri skal sitja fundi hreppsnefndar með málfrelsi og tillögurétt, en ekki hefur hann atkvæðisrétt nema hann sé kjörinn hreppsnefndarmaður.

Hreppsnefnd getur heimilað að maður utan hreppsnefndar kveðji sér hljóðs á hreppsnefndarfundi.

## 26. gr.

*Fundarsköp: Málfrelsi fundarmanna.*

Hreppsnefndarmaður hefur málfrelsi, tillögurétt og atkvæðisrétt á fundum hreppsnefndar. Hreppsnefndarmaður sem taka vill til máls skal óska heimildar oddvita. Að jafnaði skulu hreppsnefndarmenn taka til máls í þeirri röð sem þeir hafa kvatt sér hljóðs. Víkja má frá þeirri reglu ef um er að ræða sveitarstjóra eða hreppsnefndarmann, sem óskar að gera stutta athugasemd eða koma leiðréttingu á framfæri. Hafi tveir eða fleiri hreppsnefndarmenn kvatt sér hljóðs samtímis, ákveður oddviti í hvaða röð þeir skuli tala.

## 27. gr.

*Fundarsköp: Takmarkanir á málfrelsi.*

Hreppsnefndarmaður skal beina máli sínu til oddvita. Þegar til umræðu er fundargerð nefndar, ráðs eða stjórnar skal hreppsnefndarmaður taka fram hvaða lið/liði fundargerðarinnar hann óskar að ræða.

Hreppsnefndarmaður má tala tvisvar við hverja umræðu máls. Heimilt er þó hreppsnefndarmanni að taka oftari til máls til að bera af sér ámæli eða til að gera stutta athugasemd við fundarsköp. Sveitarstjóri eða flutningsmaður tillögu mega þó tala oftari en tvisvar við hverja umræðu máls.

Ekki má hreppsnefndarmaður lesa upp prentað mál við umræður í hreppsnefnd nema með leyfi oddvita.

## 28. gr.

*Fundarsköp: Vítur á hreppsnefndarmann.*

Beri hreppsnefndarmaður aðra menn brigslum skal oddviti víta hann. Oddviti getur lagt til við hreppsnefnd að hreppsnefndarmaður, sem víttur hefur verið tvisvar á sama fundi verði sviptur málfrelsi á þeim fundi. Skal slík tillaga afgreidd umræðulaust. Hlýðnist hreppsnefndarmaður ekki úrskurði oddvita eða hreppsnefndar eða ef óregla kemur upp á fundi skal oddviti gera fundarhlé, fresta fundi eða slíta fundi ef nauðsyn krefur.

## 29. gr.

*Fundarsköp: Meðferð tillagna.*

Telji oddviti umræður dragast úr hófi fram getur hann lagt fram dagskrártillögu um að ræðutími hvers hreppsnefndarmanns verði takmarkaður, umræðum verði lokið á tilteknum tíma eða umræðum um mál verði lokið þá þegar. Hver hreppsnefndarmaður getur og borið fram slíkar tillögur. Hreppsnefnd afgreiðir tillögur um takmörkun umræðna umræðulaust. Ekki má þó takmarka umræðu um mál svo að hún standi skemur en tvær klukkustundir ef einhver hreppsnefndarmaður kveður sér hljóðs. Umræður um fjárhagsáætlun eru ekki háðar ákvæðum greinar þessarar.

## 30. gr.

*Fundarsköp: Meðferð tillagna.*

Hreppsnefndarmaður getur borið fram breytingartillögu, viðaukatillögu, frávísunartillögu eða frestunartillögu við hvert það mál sem til umræðu er á fundi. Slíkar tillögur skulu vera skriflegar ef oddviti óskar. Oddviti ákveður í hvaða röð og með hvaða hætti slíkar tillögur eru teknar til afgreiðslu.

## 31. gr.

*Fundarsköp: Afgreiðsla mála.*

Mál er afgreitt í hreppsnefnd með því að samþykkja það eða fella það, vísa því frá hreppsnefnd eða vísa því til afgreiðslu nefndar, ráðs eða stjórnar eða sveitarstjóra. Máli sem hreppsnefnd ber að lögum að afgreiða verður þó eigi vísað til afgreiðslu annarra.

Þá er hreppsnefnd heimilt að fresta afgreiðslu máls, nema um sé að ræða mál sem að lögum ber að afgreiða fyrir tiltekinn tíma.

## 32. gr.

*Fundarsköp: Atkvæðagreiðsla.*

Atkvæðagreiðsla á hreppsnefndarfundi fer að jafnaði fram með handauppréttingu. Oddviti biður þá hreppsnefndarmenn sem samþykkja mál að rétta upp hægri hönd sína. Að því búnu leitar oddviti mótatkvæða með sama hætti. Loks skýrir oddviti frá úrslitum atkvæðagreiðslunnar.

Ef mál er svo vaxið að oddviti telur ástæðulaust að atkvæðagreiðsla fari fram um það, skýrir hann frá því að hann telji mál samþykkt eða fellt án atkvæðagreiðslu nema athugasemd verði við það gerð.

Oddviti getur ákveðið að mál verði afgreitt með nafnakalli. Einnig ber oddvita að láta fara fram nafnakall, ef a.m.k. þriðjungur hreppsnefndarmanna óskar þess. Við nafnakall skal farið eftir tölusettri nafnaskrá hreppsnefndarmanna í stafrófsröð og skal það ráðast af útdrætti hvaða hreppsnefndarmaður greiðir fyrst atkvæði við nafnakall. Við nafnakall skal oddviti greiða atkvæði síðastur. Við nafnakall svarar hreppsnefndarmaður þegar oddviti les upp nafn hans, já eða nei eftir því hvort hann er með máli eða móti eða tekur fram að hann greiði ekki atkvæði, en slík afstaða telst þó þátttaka í atkvæðagreiðslu. Hreppsnefndarmaður á rétt á að fá bókaða stutta athugasemd um afstöðu sína.

Heimilt er að afgreiða mál með skriflegri atkvæðagreiðslu ef hreppsnefndarmaður óskar og hreppsnefnd samþykkir.

Kosningar skulu ávallt vera skriflegar og leynilegar nema hreppsnefnd samþykki samhljóða annað.

### 33. gr.

#### *Fundarsköp: Úrslit atkvæðagreiðslu.*

Við atkvæðagreiðslu ræður einfaldur meirihluti atkvæða úrslitum máls nema öðruvísi sé ákveðið í lögum. Verði atkvæði jöfn með máli og móti fellur það.

Kosningar sem fram fara í hreppsnefnd skulu vera hlutfallskosningar skv. d'Hondts reglu, sbr. 16. og 17. gr. sveitarstjórnarlaga.

Þegar kjósa skal einn fulltrúa eða ráða starfsmann úr hópi margra, sem tillögur hafa komið fram um, skal kosning fara fram með sama hætti og kosning oddvita hreppsnefndar, sbr. 3. mgr. 18. gr. þessarar samþykktar.

### 34. gr.

#### *Fundarritun - fundargerð.*

Hreppsnefnd getur ráðið sérstakan fundarritara utan hreppsnefndar til að annast ritun fundargerða í gerðabók hreppsnefndar. Í fundargerð skal getið hvar og hvenær fundur er haldinn og hverjir sitji fundinn. Skrá skal þau mál sem tekin eru fyrir, dagsetningu þeirra, aðila máls og meginefni og hvaða afgreiðslu þau fá. Sé mál ekki afgreitt samhljóða skal greina í fundargerð hvernig atkvæði hafa skipst. Þegar lagðar eru fram fundargerðir nefnda nægir að skrá í fundargerð hreppsnefndar um hvaða nefndir er að ræða, dagsetningu fundargerða og fjölda tölulíða.

Mál sem tekin eru fyrir á lokuðum fundi sbr. 3. mgr. 20. gr. samþykktar þessarar skal skrá sem trúnaðarmál.

Hreppsnefndarmaður á rétt á að fá bókaða stutta athugasemd um afstöðu sína til máls, sem til meðferðar er í hreppsnefnd.

Oddviti skal hafa eftirlit með því, að fundargerðir séu skipulega og rétt færðar.

Í lok fundar skal fundargerð lesin upp og skulu allir viðstaddir hreppsnefndarmenn undirrita hana nema hreppsnefnd ákveði annað.

Hreppsnefndarmaður sem gera vill athugasemd við eitthvert atriði í fundargerð getur undirritað fundargerðina með fyrirvara um það atriði.

Hreppsnefnd getur ákveðið að umræður á hreppsnefndarfundum skuli hljóðritaðar eða teknar upp með öðrum hætti. Verði það ákveðið skal hreppsnefnd setja um það nánari reglur.

## IV. KAFLI

## Um réttindi og skyldur hreppsnefndarmanns.

35. gr.

*Dagskrá hreppsnefndarfunda.*

Hreppsnefndarmaður á rétt á að fá mál skv. 4. og 5. gr. samþykktar þessarar tekið á dagskrá hreppsnefndarfundar, enda tilkynni hann það skrifstofu Súðavíkurrepps skriflega a.m.k. þremur sólarhringum fyrir fund.

36. gr.

*Fundarseta.*

Hreppsnefndarmanni er bæði rétt og skylt að sækja fundi hreppsnefndar nema lögmæt forföll hamli, sbr. 25. gr. samþykktar þessarar. Hreppsnefndarmaður er skyldur til að taka að sér þau störf, sem hreppsnefnd felur honum og varða verkefni hreppsnefndar, s.s. oddvitastörf og störf í nefndum á vegum hreppsnefndar. Þó getur sá sem verið hefur oddviti eitt kjörtímabil eða lengur eða setið í nefnd sama tímabil, skorast undan kosningu jafnlangan tíma og hann hefur haft starfið á hendi.

37. gr.

*Lausn úr hreppsnefnd.*

Nú telur hreppsnefndarmaður sig ekki geta gegnt skyldum sínum í hreppsnefnd án óhæfilegs álags og getur hreppsnefnd þá létt af honum störfum eða veitt honum lausn að eigin ósk um tiltekinn tíma eða til loka kjörtímabils. Varamaður tekur þá sæti hans skv. 25. gr. samþykktar þessarar.

38. gr.

*Málfrelsi, tillögur, atkvæðisréttur.*

Hreppsnefndarmaður hefur málfrelsi, tillögurétt og atkvæðisrétt á fundum hreppsnefndar eftir því sem nánar er ákveðið í samþykkt þessari.

Hreppsnefndarmanni er ekki skylt að taka þátt í atkvæðagreiðslu um einstök mál. Þegar um er að ræða mál sem hreppsnefnd er að lögum skylt að afgreiða, s.s. fjárhagsáætlun, ársreikninga eða kjör fulltrúa í lögboðnar nefndir, getur oddviti ákveðið að endurtaka atkvæðagreiðslu, ef minna en helmingur hreppsnefndarmanna tekur þátt í atkvæðagreiðslunni.

39. gr.

*Skyldur hreppsnefndarmanna.*

Hreppsnefndarmanni ber að gegna störfum sínum í hreppsnefnd af alúð og samvisku-semi og gæta hagsmuna hreppsins, en í störfum sínum er hreppsnefndarmaður einungis bundinn af lögum og sannfæringu sinni.

40. gr.

*Aðgangur að upplýsingum.*

Hreppsnefndarmaður á aðgang að bókum og skjölum hreppsins og einnig óhindraðan aðgang að stofnunum og fyrirtækjum hans á venjulegum afgreiðslutíma til upplýsingaöflunar vegna starfa sinna.

41. gr.

*Þagnarskylda.*

Hreppsnefndarmaður skal gæta þagnarskyldu um það sem hann fær vitneskju um í starfi sínu og leynt á að fara vegna einka- eða almannahagsmuna samkvæmt lögum, eðli máls eða sérstakri ákvörðun hreppsnefndar.



42. gr.

*Vanhæfi.*

Hreppsnefndarmanni ber að víkja sæti við umræður og afgreiðslu máls þegar það varðar hann sjálfan, skyldmenni eða nána venslamenn hans svo mjög, að almennt má ætla að viljaafstaða hans mótist að einhverju eða öllu leyti þar af. Honum er þó heimilt að gera stuttlega grein fyrir afstöðu sinni. Hreppsnefnd sker umræðulaust úr hvort mál er svo vaxið. Hreppsnefndarmaður sem hlut á að máli má taka þátt í atkvæðagreiðslu um hæfi sitt. Hreppsnefndarmanni sem veit hæfi sitt orka tvímælis ber að vekja athygli oddvita hreppsnefndar á því. Hreppsnefndarmaður sem vanhæfur er við úrlausn máls skal yfirgefa fundarsal hreppsnefndar við umræður um málið og afgreiðslu þess.

43. gr.

*Þóknun hreppsnefndarmanna.*

Hreppsnefndarmaður skal fá þóknun fyrir störf sín í hreppsnefnd. Hreppsnefndarmaður sem þarf að fara um langan veg milli heimilis og fundarstaðar hreppsnefndar skal auk þess fá greiddan ferðakostnað.

Takist hreppsnefndarmaður á hendur ferð á vegum hreppsins samkvæmt ákvörðun hreppsnefndar á hann rétt á greiðslu vegna starfans samkvæmt fjárhagsáætlun á hverjum tíma.

44. gr.

*Orlof og fundartími.*

Haga skal fundum hreppsnefndar þannig að hreppsnefndarmaður eigi möguleika á að taka sér orlof árlega, sbr. 12. gr. samþykktar þessarar.

45. gr.

*Varamenn: Fjarvera vegna veikinda.*

Hreppsnefndarmaður sem vegna veikinda eða af öðrum ástæðum getur ekki sótt hreppsnefndarfund/fundi tímabundið, getur tilnefnt hvern sem er af varamönnum sínum til að taka sæti sitt meðan þannig hagar til skv. 25. gr. samþykktar þessarar.

46. gr.

*Varamenn: Réttindi og skyldur.*

Ákvæði þessa kafla um réttindi og skyldur hreppsnefndarmanna gilda einnig um varamenn sem sitja hreppsnefndarfundi.

## V. KAFLI

**Nefndir, ráð og stjórnir.**

47. gr.

*Kosningar í ráð og nefndir.*

Hreppsnefnd kýs fulltrúa í nefndir, ráð og stjórnir samkvæmt ákvæðum laga, reglugerða og samþykktar þessarar. Slíkar kosningar skulu vera leynilegar, bundnar hlutfallskosningar, ef einhver hreppsnefndarmanna óskar þess.

Forstöðumenn og stjórnendur fyrirtækja og stofnana hreppsins eru ekki kjörgengir í stjórnir þeirra stofnana sem þeir starfa hjá.

## 48. gr.

*Boðun fyrsta fundar nefnda, ráða og stjórna.*

Oddviti hreppsnefndar boðar nefnd saman til fyrsta fundar eða ákveður hver skuli gera það. Á þeim fundi skal kjósa formann, varaformann og ritara nefndar.

Formaður nefndar boðar eða lætur boða fundi í nefnd með a.m.k. eins sólarhrings fyrirvara. Heimilt er nefnd, stjórn eða ráði að hafa annan hátt á sé það samþykkt samhljóða.

## 49. gr.

*Skyldur nefndarmanna.*

Nefndarmanni er skylt að sækja fundi nema lögmæt forföll hamli. Þegar aðalmaður í nefnd forfallast um stundarsakir skal varamaður hans taka sæti í nefndinni. Þegar aðalmaður í nefnd flyst burt úr hreppnum, fellur frá eða forfallast á annan hátt varanlega, tekur varamaður hans sæti nema hreppsnefnd ákveði að kjósa aðalmann að nýju.

Hafi tveir eða fleiri flokkar eða framboðsaðilar haft samstarf um nefndarkosningar, skal sá sem tilnefndi viðkomandi fulltrúa einnig tilnefna varamann hans, sé eigi öðruvísi ákveðið í yfirlýsingu skv. 2. mgr. 35. gr. sveitarstjórnarlaga.

## 50. gr.

*Lokaðir fundir.*

Nefndarfundur skal haldinn fyrir luktum dyrum. Nefnd getur kvatt á sinn fund einstaka starfsmenn hreppsins. Ennfremur getur nefnd boðið aðila að koma á sinn fund til viðræðna um tiltekin mál.

## 51. gr.

*Fundarstjórn nefndafunda.*

Formaður nefndar stýrir fundum. Ákvæði III. og IV. kafla samþykktar þessarar gilda um meðferð mála í nefndum, ráðum og stjórnunum hreppsins eftir því sem við á.

## 52. gr.

*Hlutverk og valdsvið nefnda.*

Um hlutverk og valdsvið nefnda, ráða og stjórna á vegum hreppsins fer eftir því sem ákveðið er í lögum, reglugerðum eða samþykktum hreppsnefndar.

Hreppsnefnd getur falið nefnd fullnaðarafgreiðslu einstakra mála eða málaflokka nema slíkt vald sé að lögum sérstaklega falið hreppsnefnd til ákvörðunar.

## 53. gr.

*Fundargerðabækur.*

Nefndir, ráð og stjórnir hreppsins skulu halda gerðabækur. Kjörinn ritari nefndar skal færa fundargerð í gerðabók. Nefnd getur þó ráðið sér sérstakan fundarritara utan nefndar. Í fundargerð skal skrá hvar og hvenær fundur er haldinn og hverjir sitji hann. Þá skal skrá í fundargerð einstök mál sem tekin eru fyrir á fundi, dagsetningu þeirra, nöfn aðila, meginefni og hvaða afgreiðslu þau hljóta. Í fundarlok skal fundargerð lesin upp og allir viðstaddir nefndarmenn undirrita hana.

## 54. gr.

*Afgreiðsla fundargerða nefnda, ráða og stjórna.*

Fundargerðir nefnda, ráða og stjórna hreppsins skulu að jafnaði teknar á dagskrá næsta fundar hreppsnefndar að afloknum nefndarfundum.

Ályktun nefndar, ráðs eða stjórnar sem hefur í för með sér útgjöld skal ætíð lögð fyrir hreppsnefnd til endanlegrar afgreiðslu.

55. gr.

*Nefndir, ráð, stjórnir, tilnefningar og kosningar.*

Hreppsnefnd kýs í eftirtaldar nefndir, ráð og stjórnir:

(i) **Nefndir.** Hér er um að ræða fagnefndir, sem sinna faglegu starfi þeirra málaflokka, sem þeim hafa verið falin af hreppsnefnd með erindisbréfum.

1. *Almannavarnanefnd Súðavíkurhrepps.* Hreppsnefnd kýs þrjá fulltrúa og jafnmarga til vara í almannavarnanefnd Súðavíkurhrepps. Fulltrúar hreppsins eru kosnir á fyrsta eða öðrum fundi nýkjörinnar hreppsnefndar og er kjörtímabil þeirra þá hið sama og hreppsnefndar. Sjálfskipaðir vegna starfa sinna eru auk þess sveitarstjóri (formaður nefndarinnar), lögreglustjóri, slökkvistjóri og heilsugæslulæknir.
2. *Byggingarnefnd.* Hreppsnefnd kýs þrjá fulltrúa og jafnmarga til vara í byggingarnefnd, sbr. byggingarlög. Byggingarnefnd er kosin á fyrsta eða öðrum fundi nýkjörinnar hreppsnefndar og er kjörtímabil hennar þá hið sama og hreppsnefndar. Auk verkefna sem byggingarnefnd hefur með höndum skv. lögum getur hreppsnefnd falið henni ýmis verkefni með erindisbréfum.
3. *Félagsmálanefnd.* Hreppsnefnd kýs þrjá fulltrúa og jafnmarga til vara í félagsmálanefnd, sbr. lög um félagsþjónustu sveitarfélaga. Félagsmálanefnd er kosin á fyrsta eða öðrum fundi nýkjörinnar hreppsnefndar og er kjörtímabil hennar þá hið sama og hreppsnefndar. Félagsmálanefnd fer með verkefni barnaverndarnefndar, jafnréttisnefndar, áfengisvararnefndar, hefur umsjón með daggæslu í heimahúsum, hefur umsjón með framkvæmd laga um vernd barna og ungmenna og málefna fatlaðra. Auk verkefna sem félagsmálanefnd hefur með höndum skv. lögum getur hreppsnefnd falið henni ýmis verkefni með erindisbréfum.
4. *Menningarmálanefnd.* Hreppsnefnd kýs þrjá fulltrúa og jafnmarga til vara í menningarmálanefnd. Menningarmálanefnd er kosin á fyrsta eða öðrum fundi nýkjörinnar hreppsnefndar og er kjörtímabil hennar þá hið sama og hreppsnefndar. Menningarmálanefnd fer með málefni bókasafnsstjórna skv. ákvæðum laga um almenningsbókasöfn. Auk verkefna sem menningarmálanefnd hefur með höndum skv. lögum getur hreppsnefnd falið henni ýmis verkefni með erindisbréfum.
5. *Fræðslu- og tómstundanefnd.* Hreppsnefnd kýs þrjá fulltrúa og jafnmarga til vara í fræðslunefnd. Fræðslunefnd er kosin á fyrsta eða öðrum fundi nýkjörinnar hreppsnefndar og er kjörtímabil hennar þá hið sama og hreppsnefndar. Fræðslunefnd fer með málefni grunnskóla skv. grunnskólalögum, leikskóla skv. leikskólalögum, tónlistarskóla skv. lögum um fjárhagslegan stuðning við tónlistarskóla og skv. ákvæðum samstarfs-samninga sem um rekstur tónskóla gilda hverju sinni, og framhaldsskóla skv. ákvæðum framhaldsskólalaga og samstarfssamninga, sem um rekstur framhaldsskóla gilda hverju sinni. Fræðslunefnd gerir tillögu til hreppsnefndar um fulltrúa sveitarfélagsins í útíbússtjórn Tónlistarskóla Ísafjarðar og skólanefnd grunnskólans á Reykjanesi. Auk verkefna sem fræðslunefnd hefur með höndum skv. lögum getur hreppsnefnd falið henni ýmis verkefni með erindisbréfum.
6. *Landbúnaðarnefnd.* Hreppsnefnd kýs þrjá fulltrúa í landbúnaðarnefnd og jafnmarga til vara. Landbúnaðarnefnd skal m.a. hafa yfirumsjón með fjallskilum í sveitarfélaginu skv. lögum um afréttarmálefni, fjallskil o.fl. Hreppsnefnd getur falið landbúnaðarnefnd að tilnefna þrjá fulltrúa og jafnmarga til vara í sérstakar fjallskilanefndir, sem fari þá með fjallskilamálefni einstakra svæða (Súðavík, Ögur og Reykjafjörður). Landbúnaðarnefnd er kosin á fyrsta eða öðrum fundi nýkjörinnar hreppsnefndar og er kjörtímabil hennar hið sama og hreppsnefndar.
7. *Skipulags- og umhverfisnefnd.* Hreppsnefnd kýs þrjá fulltrúa og jafnmarga til vara í skipulags- og umhverfisnefnd, sbr. skipulagslög og mengunarvarnareglugerð. Nefndin

er kosin á fyrsta eða öðrum fundi nýkjörinnar hreppsnefndar og er kjörtímabil hennar þá hið sama og hreppsnefndar. Skipulags- og umhverfisnefnd tilnefni einn fulltrúa og annan til vara í heilbrigðisnefnd Ísafjarðarsýslu.

8. *Yfirkjörstjórn*. Hreppsnefnd kýs þrjá fulltrúa og jafnmarga til vara í yfirkjörstjórn til sveitarstjórnarkosninga. Yfirkjörstjórn er kosin á fyrsta eða öðrum fundi nýkjörinnar hreppsnefndar og er kjörtímabil hennar hið sama og hreppsnefndar. Yfirkjörstjórn fer með þau verkefni sem henni eru falin skv. ákvæðum laga um kosningar til sveitarstjórna.
9. *Undirkjörstjórnir*. Hreppsnefnd kýs þrjá fulltrúa í undirkjörstjórn fyrir hverja kjördeild (Súðavík, Ögur og Reykjafjörður) til alþingis- og sveitarstjórnarkosninga. Hreppsnefnd kýs auk þess þrjá til vara. Undirkjörstjórnir eru fyrst kosnar á fyrsta eða öðrum fundi nýkjörinnar hreppsnefndar og síðan í júní ár hvert. Undirkjörstjórnir fara með þau verkefni sem þeim eru falin skv. ákvæðum laga um kosningar til Alþingis og sveitarstjórna.

**(ii) Stjórnir og samstarfsráð.** Hér er um að ræða stjórnir stofnana með sjálfstæðan fjárhag og tilnefningar í samstarfsráð, sem hafa endanlegt ákvörðunarvald í málefnum sínum, þ.e.a.s. þurfa ekki staðfestingu hreppsnefndar til að koma málum í framkvæmd, innan ákveðins fjárhagslegs ramma. Kjörtímabil þeirra er samkvæmt samþykktum um stjórn viðkomandi stofnunar.

1. *Hafnarstjórn*. Hreppsnefnd kýs þrjá fulltrúa og jafnmarga til vara í stjórn Súðavíkurhafnar, skv. ákvæðum laga og reglugerða um hafnir. Kosning fer fram á fyrsta eða öðrum fundi nýkjörinnar hreppsnefndar og er kjörtímabil þeirra þá hið sama og hreppsnefndar.
2. *Stjórn útibús Tónlistarskóla Ísafjarðar*. Hreppsnefnd kýs tvo fulltrúa og tvo til vara í stjórn útibús Tónlistarskóla Ísafjarðar, skv. ákvæðum laga um fjárhagslegan stuðning við tónlistarskóla og samþykktum um rekstur skólans. Fulltrúar sveitarfélagsins eru kosnir á fyrsta eða öðrum fundi nýkjörinnar hreppsnefndar og er kjörtímabil þeirra þá hið sama og hreppsnefndar.
3. *Heilbrigðisnefnd Ísafjarðarsýslu*. Hreppsnefnd kýs tvo fulltrúa og tvo til vara í heilbrigðisnefnd Ísafjarðarsýslu. Fulltrúar sveitarfélagsins eru kosnir á fyrsta eða öðrum fundi nýkjörinnar hreppsnefndar og er kjörtímabil þeirra þá hið sama og hreppsnefndar.
4. *Skólanefnd Reykjanesskóla*. Hreppsnefnd kýs þrjá fulltrúa og þrjá til vara í skólanefnd Reykjanesskóla. Fulltrúar sveitarfélagsins eru kosnir á fyrsta eða öðrum fundi nýkjörinnar hreppsnefndar og er kjörtímabil þeirra þá hið sama og hreppsnefndar.

**(iii) Tilnefningar og kosningar.** Kosnir fulltrúar á ársþing, aðalfundi og ársfundi fyrirtækja og stofnana, sem sveitarfélagið á aðild að.

1. *Landsþing Sambands íslenskra sveitarfélaga*. Hreppsnefnd kýs einn fulltrúa og annan til vara á landsþing Sambands íslenskra sveitarfélaga. Fulltrúar hreppsins eru kosnir á fyrsta eða öðrum fundi nýkjörinnar hreppsnefndar og er kjörtímabil þeirra þá hið sama og hreppsnefndar.
2. *Fjórðungsþing Vestfjarða*. Hreppsnefnd kýs einn fulltrúa og annan til vara á aðalfund Fjórðungsþings Vestfjarða skv. lögum þingsins. Fulltrúar hreppsins eru fyrst kosnir á fyrsta eða öðrum fundi nýkjörinnar hreppsnefndar og síðan í júní ár hvert, vegna næstkomandi aðalfundar.
3. *Héraðsnefnd Ísafjarðarsýslu*. Hreppsnefnd kýs einn fulltrúa og annan til vara í héraðsnefnd Ísafjarðarsýslu skv. samþykktum nefndarinnar. Fulltrúarnir eru fyrst kosnir á fyrsta eða öðrum fundi nýkjörinnar hreppsnefndar og síðan í júní ár hvert, vegna næstkomandi aðalfundar.
4. *Aðalfundur Frosta hf.* Hreppsnefnd kýs einn fulltrúa og annan til vara fyrir hvern aðalfund Frosta hf. skv. samþykktum félagsins. Um val á fulltrúa hreppsins í stjórn Frosta hf. gilda ákvæði samþykka félagsins.

(iv) **Lögbundin kosning embættismanna.** Samkvæmt lögum ber hreppsnefnd að kjósa eftirtalda embættismenn:

1. *Skoðunarmenn sveitarsjóðsreikninga.* Hreppsnefnd kýs tvo skoðunarmenn og jafnmarga til vara, skv. sveitarstjórnarlögum. Skoðunarmenn sveitarsjóðsreikninga eru fyrst kosnir á fyrsta eða öðrum fundi nýkjörinnar hreppsnefndar og síðan í júní ár hvert, vegna næstkomandi ársreikninga.
  2. *Búfjárefirlitsmenn.* Hreppsnefnd kýs einn búfjárefirlitsmann fyrir hverja fjallskiladeild og jafnmarga til vara, skv. lögum um búfjárhald. Búfjárefirlitsmenn eru kosnir á fyrsta eða öðrum fundi nýkjörinnar hreppsnefndar og er kjörtímabil þeirra þá hið sama og hreppsnefndar.
  3. *Úttektarmenn.* Hreppsnefnd gerir tillögu um einn úttektarmann og tvo til vara skv. ábúðarlögum. Úttektarmenn eru tilnefndir á fyrsta eða öðrum fundi nýkjörinnar hreppsnefndar og er kjörtímabil þeirra hið sama og hreppsnefndar.
  4. *Húsnæðisfulltrúi.* Hreppsnefnd kýs húsnæðisfulltrúa, sbr. lög um Húsnæðisstofnun ríkisins. Húsnæðisfulltrúi er kosinn á fyrsta eða öðrum fundi nýkjörinnar hreppsnefndar og er kjörtímabil hans hið sama og hreppsnefndar. Auk verkefna sem húsnæðisfulltrúi hefur með höndum skv. lögum getur hreppsnefnd falið honum ýmis verkefni með erindisbréfum.
- (v) **Verkefnabundnar nefndir.** Hreppsnefnd getur kosið nefndir (lausanefndir) til að vinna að einstökum afmörkuðum verkefnum. Umboð slíkra nefnda fellur niður þegar liðin eru fjögur ár frá því nefndin var kosin og fyrir ef verkefni nefndar er lokið. Hreppsnefnd getur þó afturkallað umboð slíkra nefnda hvenær sem er. Hreppsnefnd útbýr erindisbréf fyrir nefndina þar sem hlutverk og staða nefndarinnar er skilgreint.

## VI. KAFLI

### Um framkvæmdastjórn og starfslíð hreppsins.

56. gr.

#### *Ráðning sveitarstjóra.*

Hreppsnefnd ræður sveitarstjóra. Gera skal skriflegan ráðningarsamning við sveitarstjóra þar sem m.a. skal kveðið á um ráðningartíma hans og kaup og kjör. Ráðningarsamningur skal staðfestur af hreppsnefnd.

57. gr.

#### *Hlutverk sveitarstjóra.*

Sveitarstjóri er framkvæmdastjóri hreppsins. Hann undirbýr fundi hreppsnefndar og sér um fundarboð, sbr. 14. gr. samþykktar þessarar. Hann á sæti á fundum hreppsnefndar og hefur þar málfrelsi og tillögurétt en eigi atkvæðisrétt nema hann sé kjörinn fulltrúi í hreppsnefnd. Hann hefur og rétt til setu á fundum nefnda hreppsins með sömu réttindum.

Sveitarstjóri hefur á hendi framkvæmd ákvarðana hreppsnefndar og hreppsmálefna að svo miklu leyti sem hreppsnefnd hefur ekki ákveðið annað.

Sveitarstjóri er prókúruhafi hreppssjóðs. Hann undirritar skjöl varðandi kaup og sölu fasteigna hreppsins, lántökur og aðrar skuldbindingar.

Sveitarstjóri er æðsti yfirmaður starfslíðs hreppsins.

Í forföllum sveitarstjóra skal oddviti annast störf hans nema hreppsnefnd ákveði annað.

58. gr.

#### *Ráðning starfsmanna.*

Hreppsnefnd ræður starfsmenn hreppsins og veitir þeim lausn frá störfum. Þetta á þó ekki við um lausráðna verkamenn, afleysingamenn og aðra þá starfsmenn sem eigi eru ráðnir með 3 mánaða uppsagnarfresti.

59. gr.

*Fastráðnir starfsmenn.*

Fastráðnir starfsmenn hreppsins skulu ráðnir til óákveðins tíma með gagnkvæmum 3 mánaða uppsagnarfresti miðað við mánaðamót. Þeir hafa réttindi og skyldur opinberra starfsmanna eftir því sem við á.

Gera skal skriflegan ráðningarsamning við fastráðna starfsmenn, þar sem m.a. skal kveðið á um ráðningartíma og uppsagnarfrest sbr. 1. mgr. svo og starfssvið þeirra. Um kaup og kjör fer eftir ráðningarsamningi og gildandi kjarasamningum.

60. gr.

*Ráðning lausráðinna starfsmanna.*

Um ráðningu verkamanna, afleysingamanna og annarra starfsmanna sem eigi eru ráðnir með 3 mánaða uppsagnarfresti fer eftir reglum sem hreppsnefnd setur. Um kaup og kjör fer eftir kjarasamningum viðkomandi stéttarféлага.

Samþykkt þessi, sem hreppsnefnd Súðavíkurhrepps hefur sett samkvæmt ákvæðum 3. mgr. 7. gr. og 49. gr. sveitarstjórnarlaga nr. 8/1986, staðfestist hér með til að öðlast þegar gildi. Jafnframt fellur úr gildi samþykkt um stjórn og fundarsköp Súðavíkurhrepps nr. 446/1992.

*Félagsmálaráðuneytinu, 7. október 1996.*

F. h. r.

**Húnbogi Þorsteinsson.**

---

*Sesselja Árnadóttir.*

Nr. 546

8. október 1996

**AUGLÝSING****um staðfestingu á svæðisskipulagi fyrir Reykjanesbæ, Sandgerðsbæ, Gerðahrepp og Keflavíkurflugvöll 1995-2015.**

Samkvæmt skipulagslögum nr. 19 21. maí 1964, með síðari breytingum, hafa umhverfisráðuneyti og utanríkisráðuneyti, að því er tekur til Keflavíkurflugvallar, staðfest svæðisskipulag fyrir Reykjanesbæ, Sandgerðsbæ, Gerðahrepp og Keflavíkurflugvöll.

Uppdráttur þessi og greinargerð hafa hlotið þá meðferð sem skipulagslög gera ráð fyrir.

Jafnframt er úr gildi felldur uppdráttur af aðalskipulagi Keflavíkur, Njarðvíkur og Keflavíkurflugvallar, 1982-2002, er staðfestur var af félagsmálaráðherra 20. september 1983 og utanríkisráðherra 12. október 1983.

*Umhverfisráðuneytinu, 7. október 1996.***Guðmundur Bjarnason.**

---

*Magnús Jóhannesson.**Utanríkisráðuneytinu, 8. október 1996.***Halldór Ásgrímsson.**

---

*Helgi Ágústsson.*